



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pastorale Missionariorvm

Verjuys, Jean-Baptiste

Antverpiæ, 1682

Ratio hujus Tractatus.

urn:nbn:de:hbz:466:1-41565

TRACTATUS XIV.

*De casibus tempore Pestis
occurrentibus?*

Hunc tractatum reliquis casibus volui specialiter subnectere, licet enim suis quæque locis, quæ hîc dicturus sum, potuissent inseri; melius judicavi distinctè ab aliis, ea quæ huic materiæ propria sunt, discutere; & hoc exemplo magni illius & S. Præsulis S. Cardinalis Caroli Borromæi, qui postquam diversis Synodibus (quibus ipse cum quindecim Episcopis interfuerat) cuncta & singula quæ ad Pastoralem curam pertinent, resolvi curasset, tandem speciali titulo de curâ Pestilentiæ tractatum edidit, cujus hanc potissimam rationem dabat, quam suis ipsius verbis hîc refero: *Tanta inquit illius, scilicet Pestis, vis est, tamque vehemens, ut cum occultè in omnes partes progrediens, brevi momento temporis, quasi repentino quodam impetu turbida tempestatis, homines obruat, terribili contagii metu omnes ferè consternantur. Quam ob rem eo pavore animi commoti atque obstupesciti, plerique (tantum abest ut officii sui partes fortiter amplectantur) ut quasi è mentis sua statu repente dimoti, ne cogitare quidem, redum*

nedum deliberationes, consiliaque suscipere possint, quid in calamitate publicâ expediat, & quid planè necessarium sit. Alii verò eo metu affecti, dum humana prudentia cautionibus se tueri volunt, eam sibi sollicitudinem quæ tota mundana diligentia præsidii nititur, ita præposterè struunt, ut religionis, pietatisque Christianæ, si non omnino obliviscantur, ejus tamen officia intermittant. Quibus voluit ostendere, quantum sit necesse, in tali perturbatione breviter ad manum habere illorum casuum resolutionem, qui tunc maximè occurrere possunt & solent. Ac proinde per distinctos articulos breviter illa quæ præcipuè scitu necessaria sunt percurram.

ARTICULUS I.

Utrum Missionarii teneantur assistere populo suo peste infecto?

Hujus quæstionis resolutio haberi poterit ex supra dictis tract. 1. art. 10. ubi ibi ea quæ pericula vitæ tempore pestis concernunt, ad hunc tractatum rejeci.

Distinguere hîc possemus inter Missionarios qui sunt propriè dicti Pastores, & inter alios qui Pastorum adjutores, facultatem habent Pastoralia conferendi. Utrosque autem